

ՀՀ կառավարության կայքը այժմ գտնվում է բարեփոխման գործընթացում, ինչի արդյունքում ՀՀ կառավարության աշխատակազմի ազգային փոքրամասնությունների և կրոնի հարցերի վարչությանը ավելի լայն հնարավորություն ընձեռվեց  
ՀՀ ազգային փոքրամասնությունների ոլորտին վերաբերող առաջնահերթ նշանակության տեղեկատվություն տրամադրելու և հանրության իրազեկման շրջանակներն ընդլայնելու համար:

Կաշխատենք կայքի սույն ենթաբաժնում տեղադրել ՀՀ մամուլի էջերից քաղված վարչության լիազորությունների շրջանակին առնչվող շաբաթվա կարևորագույն լուրերը:

## **Լուրեր**

ՀԱՅ ԿԱԹՈՂԻԿԵ ՆՈՐ ԱՌԱՋՆՈՐԴ

Համաձայն “Ազգ” օրաթերթի 04.02.10թ. համարի տեղեկության, Հռոմի քահանայապետ Բենեդիկտոս ԺԶ պապը Հայաստանի, Վրաստանի և Արևելյան Եվրոպայի կաթողիկե հայոց առաջնորդ է նշանակել Մխիթարյան ուխտի միաբան հոգեշնորհ Տ. Վահան ծայրագույն վարդապետ Օհանյանին:  
Առաջնորդ հոր նստավայր է ծառայելու ք. Գյումրին և Երեւանի Քանաքեռի Հայ կաթողիկե կենտրոնը: